

«Павлодар мұнай-химия зауыты» ЖШС-нің 2023 жылға арналған бекітілген инвестициялық бағдарламаларын іске асыру туралы тұтынушылар мен басқа да мүдделі тұлғаларға есеп беру

Павлодар облысының энергетика және тұрғын үй-коммуналдық шаруашылық басқармасы және ҚР Ұлттық экономика министрлігінің Павлодар облысы бойынша Табиғи монополияларды реттеу және бәсекелестікті қорғау департаменті қосалқы тұтынушыларды жылумен және электрмен жабдықтау сенімділігін арттыру мақсатында 2023 жылғы 27 ақпандағы №18-НҚ, 2021 жылғы 15 қарашадағы №98-НҚ бұйрықтармен «ПМХЗ» ЖШС-нің 2022 жылғы 01 қаңтардан 2026 жылғы 31 желтоқсанға дейінгі кезеңге жылу және электр энергиясын беру және тарату жөніндегі қызметтерге қатысты екі инвестициялық бағдарламасы бекітілді.

Бекітілген инвестициялық бағдарламаларға қосалқы тұтынушылардың реттеліп көрсетілетін қызметтерді ұсыну бойынша мүдделерін қозғайтын «ПМХЗ» ЖШС іс-шаралары ғана енгізілген. Инвестициялық салымдардың тарифке әсері шығындарды өзіндік тұтыну мен қосалқы тұтынушылардың көлемдеріне тепе-тең бөлуді ескере отырып, амортизациялық аударымдармен шектеледі.

Қазақстан Республикасы Ұлттық экономика министрінің 2019 жылғы 13 тамыздағы №73 бұйрығымен бекітілген Табиғи монополиялар субъектілерінің қызметін жүзеге асыру қағидаларының «Табиғи монополиялар субъектілері қызметінің тиімділік көрсеткіштерін бекіту тәртібі» 10-тараудың 323-бабына, «Реттеліп көрсетілетін қызметтердің сапасы мен сенімділігі көрсеткіштерін бекіту тәртібі» 13-тараудың 367-бабына сәйкес тарифтік реттеудің ынталандырушы әдісін қолдана отырып, тарифтерді бекіту кезінде табиғи монополиялар субъектілері үшін қызмет тиімділігінің көрсеткіштері бекітіледі.

Табиғи монополиялар субъектісі ретінде «Павлодар мұнайхимия зауыты» ЖШС тарифтері табиғи монополиялар салаларын тарифтік реттеудің шығындық әдісін қолданып бекітілгеніне байланысты «Павлодар мұнайхимия зауыты» ЖШС үшін реттеліп көрсетілетін қызметтердің сапасы мен сенімділігінің көрсеткіштерін, мақсатты және басқа да көрсеткіштерді уәкілетті орган бекіткен жоқ.

Жылу энергиясын беру қызметіне қатысты бекітілген Инвестициялық бағдарламаның орындалу барысы туралы ақпарат

Павлодар облысы энергетика және тұрғын үй-коммуналдық шаруашылық басқармасының 2023 жылғы 27 ақпандағы №18-НҚ және ҚР Ұлттық экономика министрлігінің Павлодар облысы бойынша Табиғи монополияларды реттеу департаментінің 2023 жылғы 28 ақпандағы №19-НҚ бірлескен бұйрықтарымен 2022 жылғы 01 қаңтардан 2026 жылғы 31 желтоқсанға дейінгі кезеңге «ПМХЗ» ЖШС-нің жылу энергиясын беру және тарату жөніндегі инвестициялық бағдарламасына субъектіге тәуелді емес себептерге байланысты түзету бекітілді.

2023 жылы екі консольді сорғыны сатып алуға жоспарланған инвестициялар сомасы ҚҚС қоспағанда 23 619 мың теңгені, соның ішінде 2022 жылдан көшірілген 10 369 мың теңгені және 2023 жыл үшін 13 250 мың теңгені құрайды.

№800611 бір көзден тәсілімен сатып алу туралы шешімге сәйкес 2022 жылғы 30 желтоқсанда «KARLSKRONA LC AB» ЖШС-мен №800611/2022/1 шарт жасалды, оған сәйкес 2023 жылғы сәуірде консольді сорғы жеткізілді және 2023 жылғы қазанда пайдалануға енгізілді.

Бір көзден тәсілімен сатып алуды жүзеге асыру туралы 2023 жылғы 30 наурыздағы № 843516 шешімге сәйкес 2023 жылғы 11 сәуірде «ПМХЗ» ЖШС мен «KARLSKRONA LC AB» ЖШС арасында «Су және басқа да таза, химиялық бейтарап сұйықтықтарға арналған сорғы, консольді бір сатылы берілімі – 300 м3/сағ., сорғы агрегатының маркасы – СНР 50-315» жабдығын сатып алу туралы № 843516/2023/1 шарт жасалды. Тауар 2023 жылдың желтоқсан айында жеткізілді және барлық монтаждау жұмыстары жүргізілгеннен кейін 2024 жылдың ақпан айында пайдалануға берілді.

2023 жылы бекітілген инвестициялық бағдарламаны орындау шеңберінде барлығы 20 538,4 мың теңге (6 399,3+ 14139,1 мың теңге) сомасына 2 сорғы агрегаты пайдалануға берілді, сатып алу рәсімдерін жүргізу нәтижесінде үнемдеу шықты. Сорғы агрегаттары қосалқы тұтынушыларға жылу энергиясын беруге және таратуға қатысатын ескірген өндірістік қорды жаңартты.

Насос СНР (АА)-40-200 инв.№000276055 фотосы







Насос СНР (АА)-50-315 инв.№000276592 фотосы



Электр энергиясын беру және тарату қызметіне бекітілген Инвестициялық бағдарламаның орындалу барысы туралы ақпарат

«ПМХЗ» ЖШС-нің 2022 жылғы 01 қаңтардан бастап 2026 жылғы 31 желтоқсанға дейінгі кезеңге электр энергиясын беру және тарату жөніндегі инвестициялық бағдарламасына сәйкес 2023 жылы WMSWP май ажыратқышын RSW-10 тарату құрылғысы үшін бейімдеу жиынтығымен ҚҚС-ты қоспағанда 2 546 мың теңге сомасына ВВ/TEL вакуумдық ажыратқышына ауыстыру көзделген. 2023 жылғы 28 наурызда «Таврида Электрик Астана» ЖШС-мен 2 974,8 мың теңге сомасына (ҚҚС қоспағанда) вакуумдық ажыратқышты жеткізуге шарт жасалды.

Монтаждау мен баптауды және сынауды орындағаннан кейін RSW-10 шкафтарына арналған бейімдеу жинағы бар №25 РП-080 ұяшық ВВ/TEL-10кВ 20кА вакуумдық ажыратқышы 2023 жылғы 06 қыркүйекте пайдалануға берілді.

Вакуумдық ажыратқыш қосалқы тұтынушыларға электр энергиясын беруге және таратуға қатысатын ескірген өндірістік жабдықты жаңартады.



